

DA ZAN VAUDEZ

VAR DÒN : *Goûtez, âmes ferventes.*

I

Gant hon c'haëran kantikou,
Hag a-greiz hon c'halon,
Enori ho relegou
A fell d'imp, Zant Patron.

Diskant

Sant Vaudez, Patron karet,
Chelaouet pedennou
Ho pugale daoulinet
Dirak ho relegou (*bis*).

E-kreiz nerz hoc'h iaouankiz
C'hui guitaz mamm ha tad
'Vid digas da Dregeriz
Tenzor ar *c'belou-mad*.

Gant hon zadou c'heuz bevet
Hed kalz a vlaveziou ;
Liez gant-he c'heuz gouélet
Ha dousat ho foaniou.

X Pegen mad oa ho komzou !
Gant pebez karante
E roent ho c'halonou
D'ac'h-hu, mignon Doue !

II

Pell-zo da c'hloar ann Envou
Gand Doue oc'h galvet,
† Hag evit ho vertuïou 5
En deuz ho kurunet.

Chelaouet ho pugale
Hirie, o Tad karet :
Ho c'halon, ho c'harante
D'ac'h a vezo bepred.

Sant evuruz, hon Patron,
C'hui henchas hon zadou ;
Laket ennoy Gret d'imp kaout nerz-kalon
Da c'honid ann Envou.

Goulennet bennoz Doue
D'ann tadou, d'ar mammou,
Furnez-vad d'ar vugale
X Vit kerzat n'hoc'h roudou.

Euz a bep drouk hon miret,
Patron karantezuz,
de Plouyeiz X Var *ho parroz* astennet
Ho torn madelezuz.

10 X
Binniget tiez, parkou ;
Hag hon zud diwallet,
Pa grozo ar gwagennou,
Var ar môr fuloret.

X
Var ar gwagennou renet,
Ha lestr ha merdead,
Ha d'ar porz ho digaset
D'ar c'houlz, divlamm dalc'hmad.

III

12 X
Ni a gar ar bod spern-guenn
Ouz garrek ho kadôr (1) ;
Ni a gar hoc'h enezenn
Edro d'ez-hi ar môr (2).

13 X
Ann enezenn zantellet
Dre ho piniennou
E sav diout-hi bepred
C'houez-vad ho vertuïou.

X
Ni blij d'imp mond da bedi
Du-hont d'hoc'h enezenn :
Elec'h oc'h euz pedet, c'hui,
'Ve krenvoc'h ar beden.

(1) E krec'h-Ormant.

(2) Enezenn Vaudez.

Deuz ann douar distaget,
Vel ann enez ive,
D'ann env ar beden kaset
A zav c'huekoc'h a ze.

IV

Ra vezo ho pugale
Bepred guiñ gristenien ;
Neuze vo mad ho bue
Ha kaër ho c'hurunen.

Ha pa vimp er baradoz,
O sant Vaudez karet,
Ni gâno d'ac'h mil bennoz
Hak ho karo bepred.

IMPRIMATUR :

*par M^r. l'abbé ^{L. Riquier}
Riquier
Recteur de Christ Moële
(ancien vicaire de Bourbriac.)*

Brioci, die 25 aug. 1893.

A. CHATTON, can.. vic. gén.

